



**Nasjonalparkstyret
for Reinheimen**

Postadresse
Postboks 987
2604 LILLEHAMMER

Besøksadresse
Norsk Fjellsenter,
Brubakken 2, 2686 Lom
Norsk Tindesenter
Havnegata 2, 6300 Åndalsnes

Kontakt
Sentralbord: +47 61 26 60 00
Direkte: +47 61 26 62 04
sfinpost@statsforvalteren.no
<http://www.nasjonalparkstyre.no/reinheimen>

Hans Martin Gjødrem
Valldalsvegen 1844
6210 VALLDAL

Saksbehandler Kristine Sørli

Vår ref. 2020/8174-16 432.2

Dykkar ref.

Dato 06.12.2021

Trollstigen LVO - dispensasjon - plassering av posterings- og jaktbu på jerv i Steindalen- Valldal og Fjørå beitelag

Nasjonalparkstyret for Reinheimen har i møte 03.12.21, i sak 61/2021, gjort slik samrøystes vedtak i saka:

«Med heimel i naturmangfaldlova § 48 får Valldal og Fjørå beitelag v/Hans Martin Gjødrem dispensasjon til å sette opp posterings- og jaktbu i Steindalen i samband med lisensfelling / skadefellingsløye av jerv.

Vilkår:

- 1. Posterings- /jaktbua skal vere 1,7 x 1,3 m, med takhøyde 1,6 m, utforma som eit enkelt skjul med kikkertopning på eine langveggen.*
- 2. Taket skal ha tre eller torv som tekkemateriale. Bua skal vere gråfarga og inntil veggane må det delvis dekkast til med stein slik at bua i størst grad blir skjult i terrenget.*
- 3. Byggverket skal fungere som posterings- og jaktbu i samband med lisensfelling/skadefelling av jerv.*
- 4. Bua skal plasserast 2 km innafor vernegrensa til Trollstigen lvo i og ca 500 meter frå grensa til Reinheimen nasjonalpark. Jfr kart i saksutgreiinga.*
- 5. Jaktbua skal fjernast når det ikkje er behov for den lenger i jaktsamanheng.*

Utmarksbeiting er ein viktig faktor for å oppretthalde naturverdiane i verneområdet, der eit variert biologisk mangfald er ein vesentleg del av formålet. Nasjonalparkstyret er kjent med skadane rovdyr gjer i området, og ser med uro på om beitinga skal opphøre. Også uttalane frå grunneigar, beitelag og Statsforvaltar er tatt med i vurderinga for å gje dispensasjon. Ein viser og til prosjektet effektiv jervjakt på østsida i verneområdet.

Styret har og vurdert søknaden opp mot spørsmålet om presedens i slike saker og finn at evt. liknande saker må handsamast individuelt.

Etter ei totalvurdering er fordelane med dispensasjon større en ulempene og tiltaket vil ikkje forringe verneformålet.»

Klage:

Vedtaket kan klagast inn for Miljødirektoratet av partar i saka eller andre som har rettsleg klageinteresse med ein frist på 3 veker jf. forvaltningslova § 28. Ei eventuell klage skal rettast til Miljødirektoratet, men sendast til Nasjonalparkstyret for Reinheimen.

Kopi av saksprotokoll i Nasjonalparkstyret for Reinheimen 03.12.21, sak 61, er vedlagt.



Med helsing

Kristine Sørli
nasjonalparkforvaltar

Etter våre rutinar er dette brevet godkjent og sendt utan underskrift

Kopi til:
Statens Naturoppsyn v/Per Olav Haugen
Statsforvaltaren i Møre og Romsdal
Fjord kommune
Statsforvalteren i Innlandet
Mari Melbø Rødstøl
Statens naturoppsyn v/Thomas Rødstøl
Valldal og Fjørå beitelag v/Tone Grønningsæter



Arkivsaksnummer: 2020/8174-13

Saksbehandlar: Kristine Sørle

Dato: 15.11.2021

Utval	Utvalssak	Møtedato
Nasjonalparkstyret for Reinheimen	61/2021	03.12.2021

Ny behandling - Trollstigen LVO - dispensasjon - plassering av posterings- og jaktbu på jerv i Steindalen-Valldal og Fjørå beitelag

Innstilling frå forvaltar

Med heimel i naturmangfaldlova § 48 får Hans Martin Gjødrem avslag på søknad om å plassere posterings- og jaktbu i Steindalen i samband med lisensfelling / skadefellingsløyve av jerv.

Dispensasjon vil kunne skape ein presedensverknad som fører til stor samla belastning for verneområda knytt til Reinheimen. Tiltaket er til ulempe for verneverdiane, og strider mot verneføremålet.

Eit alternativ til posterings- og jaktbu i Steindalen, kan løysast ved å bruke telt i barmarksesongen. Eit robust telt er ein meir fleksibel løysning ved eventuell skadefelling, og under lisensfellingsperioden, da teltet kan flyttast dit det er behov.

--- slutt på innstilling ---

Saksprotokoll i Nasjonalparkstyret for Reinheimen - 03.12.2021

Styreleiar la fram eit alternativt forslag til vedtak:

Med heimel i naturmangfaldlova § 48 får Valldal og Fjørå beitelag v/Hans Martin Gjødrem dispensasjon til å sette opp posterings- og jaktbu i Steindalen i samband med lisensfelling / skadefellingsløyve av jerv.

Vilkår:

- 1. Posterings- /jaktbua skal vere 1,7 x 1,3 m, med takhøyde 1,6 m, utforma som eit enkelt skjul med kikkertopning på eine langveggen.*
- 2. Taket skal ha tre eller torv som tekkemateriale. Bua skal vere gråfarga og inntil veggane må det delvis dekkast til med stein slik at bua i størst grad blir skjult i terrenget.*
- 3. Byggverket skal fungere som posterings- og jaktbu i samband med lisensfelling/skadefelling av jerv.*
- 4. Bua skal plasserast 2 km innafor vernegrensa til Trollstigen lvo i og ca 500 meter frå grensa til Reinheimen nasjonalpark. Jfr kart i saksutgreiinga.*



5. Jaktbua skal fjernast når det ikkje er behov for den lenger i jaktsamanheng.

Utmarksbeiting er ein viktig faktor for å oppretthalde naturverdiane i verneområdet, der eit variert biologisk mangfald er ein vesentleg del av formålet. Nasjonalparkstyret er kjent med skadane rovdyr gjer i området, og ser med uro på om beitinga skal opphøre. Også uttalane frå grunneigar, beitelag og Statsforvaltar er tatt med i vurderinga for å gje dispensasjon. Ein viser og til prosjektet effektiv jervjakt på østsida i verneområdet.

Styret har og vurdert søknaden opp mot spørsmålet om presedens i slike saker og finn at evt liknande saker må handsamast individuelt.

Etter ei totalvurdering er fordelane med dispensasjon større en ulempene og tiltaket vil ikkje forringe verneformålet.

Forslaget frå styreleiar vart samrøystes vedteke.

Vedtak

Med heimel i naturmangfaldlova § 48 får Valldal og Fjørå beitelag v/Hans Martin Gjedrem dispensasjon til å sette opp posterings- og jaktbu i Steindalen i samband med lisensfelling / skadefellingsløye av jerv.

Vilkår:

1. Posterings- /jaktbua skal vere 1,7 x 1,3 m, med takhøyde 1,6 m, utforma som eit enkelt skjul med kikkertopning på eine langveggen.
2. Taket skal ha tre eller torv som tekkemateriale. Bua skal vere gråfarga og inntil veggane må det delvis dekkast til med stein slik at bua i størst grad blir skjult i terrenget.
3. Byggverket skal fungere som posterings- og jaktbu i samband med lisensfelling/skadefelling av jerv.
4. Bua skal plasserast 2 km innafor vernegrensa til Trollstigen Ivo i og ca 500 meter frå grensa til Reinheimen nasjonalpark. Jfr kart i saksutgreiinga.
5. Jaktbua skal fjernast når det ikkje er behov for den lenger i jaktsamanheng.

Utmarksbeiting er ein viktig faktor for å oppretthalde naturverdiane i verneområdet, der eit variert biologisk mangfald er ein vesentleg del av formålet. Nasjonalparkstyret er kjent med skadane rovdyr gjer i området, og ser med uro på om beitinga skal opphøre. Også uttalane frå grunneigar, beitelag og Statsforvaltar er tatt med i vurderinga for å gje dispensasjon. Ein viser og til prosjektet effektiv jervjakt på østsida i verneområdet.

Styret har og vurdert søknaden opp mot spørsmålet om presedens i slike saker og finn at evt. liknande saker må handsamast individuelt.

Etter ei totalvurdering er fordelane med dispensasjon større en ulempene og tiltaket vil ikkje forringe verneformålet.

Dokument i saka

- Rapport Miljødirektoratet – ulovleg oppsatt jaktbu 08.07.20



- Varsel frå Nasjonalparkstyret om mogleg pålegg om retting etter naturmangfaldlova § 69, 21.12.20
- Fråsegn om førehandsvarsel frå Hans Marting Gjedrem, 11.01.21
- Søknad om bygging av gjetarbu i Steindalen frå Hans Martin Gjedrem, 17.05.21, journalført 23.06.21
- Avslag på søknad om bygging av gjetarbu. Nasjonalparkstyret for Reinheimen, sak 35/2021, behandla 02.07.2021.
- Brev frå Hans Martin Gjedrem, 29.07.21
- Klage på gjetarbu, og søknad om jakt- og posteringsbu i Steindalen, frå Valldal og Fjørå beitelag 05.09.2021
- Uttale frå Statsforvaltar i Møre og Romsdal, e-post 22.11.21

Saksopplysningar

Historikk i saka:

SNO har 08.07.20 sendt ein rapport til nasjonalparkstyret, med dokumentasjon på ein ulovleg oppsett jaktbu i Steindalen. Jaktbua er av SNO målt opp til 2,2 m2 og ligg mellom DNT-stien og Steindalselva ca 2 km innafor vernegrensa til Trollstigen lvo, og ca 500 meter frå vernegrensa til Reinheimen nasjonalpark.

Nasjonalparkforvaltar med signatur frå styreleiar, sendte 09.11.20 eit varsel om mogleg pålegg om retting av ulovleg oppsett jaktbu i Steindalen, etter at det vart kjent at Hans Martin Gjedrem hadde sett opp byggverket. Etter forvaltningslova § 16, skal eit mogleg pålegg etter naturmangfaldlova § 69 alltid varslast, og det skal gjevast høve til fråsegn. Hans Martin Gjedrem fekk frist 11.01.21 til å gje fråsegn i saka.

Nasjonalparkstyret mottok merknader og ei orientering frå Hans Martin Gjedrem innnan fristen 11.01.21, der det gjekk fram at laftekassa vart satt opp i 2014 som kombinert gjetarbu/jaktbu, og at det var ønskje om å søke om tiltaket for vurdering av etterfølgande dispensasjon.

Nasjonalparkstyret for Reinheimen behandla søknad om gjetarbu frå Hans Martin Gjedrem 02.07.21, og gav avslag på søknad om gjetarbu i Steindalen:

«Med heimel i verneforskrift for Trollstigen landskapsvernområde § 3, pkt. 1.3, b) får Hans Martin Gjedrem avslag på søknad om gjetarbu i Steindalen, konstruert som ei jaktbu. Plassering av byggverket er i ubebyggt område, og skal etter vernereglane ikkje gjevast løyve til. Det er heller ikkje opna for at enkeltbrukarar kan få dispensasjon til å sette opp gjetarbu i verneområdet. Tiltaket er til ulempe for verneverdiane, og strider mot verneføremålet.»

Hans Martin Gjedrem sendet brev datert 29.07.21 etter vedtak om avslag, der han skriv følgjande: *I beitesesong 2021 har statsforvaltaren i Møre og Romsdal gitt fire skadefellingsløyve på jerv grunna tap av lam på beite. To av disse løyva er gitt direkte til Tone Grønningsæter og undertegna som driv med sau i Steindalen. I lovverket for Trollstigen landskapsvernområde står det at det ikkje er høve til å sette opp jaktbu og at ei gjetarbu må søkast om frå beitelaget. Situasjonen i Steindalen er alvorleg med tanke på vidare beitebruk om tap av lam/sau til rovdyr ikkje blir prioritert. Eg vil tru styret i landskapsvernområdet kan gå for ei innstilling om at det kan vere ei bu på 2m2 i Steindalen mot at det fortsett vil vere 500 beitedyr i Steindalen som gjer ein avgjerande jobb for å bevare kulturlandskapet. Vil søke om å nytte eksisterande bu (som ikkje er godkjent), men med endringar på utsjånaden for meir å gå i eitt med naturen. Bua er sett opp i kjerneområdet for jervens herjingar (Fjord Kommune har kart som syner dokumenterte funn av jervedrept sau/lam i området). Under skadefellinga av jerv er bua nytta av kommunalt jaktlag og utvida tilsyn gjort av beitebrukarane sjølve. Å nytte sel på Steindalstølen eller hytte på Tjønne er ikkje eit*



alternativ i jakt/tilsyn under rådande omstende. Jakt på jerv er blitt ein vesentleg del av beitenæringa si oppgåve og det må vege tungt i denne saka og soleis ikkje gje presedens i eventuelt tilsvarande saker. Sender med fellingsløyve gitt av statsforvaltar som vedlegg. Ønsker snarast råd eit møte med miljødepartementet, miljødirektorat, statsforvaltar, Fjord kommune, statens naturoppsyn (SNO) og styre i landskapsvernområdet om saka og situasjonen i landskapvernområdet generelt før de behandler denna saka vidare. Kven som tar saka vidare om eit møte veit ikkje eg, men vil ta det opp med Fjord kommune.

Forvaltar tok så kontakt med Gjedrem for å få til eit møte. Men etter nærare avklaringar vart det semje om å utsette møte med offentlege myndigheiter og beitebrukar, til Nasjonalparkstyret har behandla klaga / ny søknad om posterings- og jaktbu i Steindalen.

Valldal og Fjørå beitelag har også sendt klage på vedtak om bu i Steindalen, og ber om at søknaden blir vurdert utifrå behovet for posterings- og jaktbu i Steindalen. Brevet frå Valldal og Fjørå beitelag er datert 05.09.2021. Valldal og Fjørå beitelag skriv følgjande:

«Det var 17.05.21 søkt om å dispensasjon til å ha ei gjetarbu i Steindalen. Den søknaden blei ikkje innvilga av nasjonalparkstyret 02.07.21 då bue blei definert som jaktbu, ikkje gjetarbu. Det blei sendt ei tilbakemelding frå Hans Martin Gjødrem på vedtaket {ref epost}, men ikkje ei klage. Valldal og Fjørå Beitelag vil dermed ta saka vidare og påklage vedtaket. Bua i Steindalen har vore avgjerande for beitenæringa då ho blir nytta som posterings- og jaktbu på jerv. Både kommunalt fellingslag og medlemmar i Valldal og Fjørå beitelag har nytta bua under skadefellig. Jakt på jerv har vore det viktigaste tiltaket i beiteområdet og ein ser det naudsynt å ha ei bu til dette føremålet slik situasjonen i Steindalen er no. 2. august 2021 blei det felt ein jerv etter postering frå bua. Dette er ei svært krevjande jakt på barmark og det å ha best mogleg fasilitetar for å kunne ta ut skadedyr ved felling er avgjerande. I sommar har statsforvaltaren i Møre og Romsdal gitt fire skadefellingsløyve på jerv etter kadaverfunn i Steindalen. Valldal og Fjørå beitelag vonar ein kan sjå vekk frå regel om at det ikkje er lov å sete opp jaktbu i landskapsvernområdet då dette er eit viktig reiskap i aktiv beitebruk slik høva er no. Om situasjonen eventuleit vil endre seg på sikt vil bua lett kunne fjernast då det ikkje er gjort noko fundamentering, kun eit enklet trebygg. Vonar klage blir tatt til følge.»

Klagefrist og klagerett

Det går fram av forvaltningslova § 28 første ledd at «*parter og andre som har rettslig klageinteresse i saken*» kan klage på enkeltvedtaket. Kven som er part, er nærare definert forvaltningsloven § 2 første ledd bokstav e): «*person som en avgjørelse retter seg mot eller som saken ellers direkte gjelder*».

Hans Martin Gjødrem er part i saka og har sendt brev til nasjonalparkstyret innan klagefristen. I brevet går det fram at Gjødrem ikkje klagar på avslag om gjetarbu, men at det primært er ønskje om eit møte om situasjonen i området, og få ein ny vurdering av oppsetting av posterings- og jaktbu i samband med jervejakt i Steindalen.

Valldal og Fjørå beitelag har to medlemmar med sau i Steindalen, og beitelaget vil etter denne definisjon ha «rettsleg klageinteresse» av vedtak etter verneforskrift og naturmangfaldlova, som i denne saken. For dei med rettsleg klageinteresse, og som ikkje har fått skriftleg underretning, løper fristen først frå det tidspunkt dei har fått eller burde skaffa seg kjennskap til vedtaket. Valldal og Fjørå beitelag skriv ikkje i brevet når dei ble kjent med vedtaket, men tidlegare søkjar er også medlem i beitelaget, og informasjon om klagefrist og kor klagen skulle sendast ble informert om ved ekspedering av avslaget 19.07.21. Brevet frå


Valldal og Fjørå beitelag er datert 05.09.21, over 4 veker etter klagefristen på 3 veker, jf. fvl. § 29., og klaga kan avvist. Klaga frå beitelaget rettar seg heller ikkje mot avslag om gjetarbu, men dei skriv, som Gjødrem, at det er avgjerande for beitenæringa at det blir plassert ei posterings- og jaktbu for felling av jerv, i Steindalen.


Både Hans Martin Gjødrem og Valldal og Fjørå beitelag, har sine brev presisert at behovet for byggverk i Steindalen er posterings- og jaktbu for jerv, og ikkje gjetarbu. I nasjonalparkstyret sitt vedtak 02.02.21, er ikkje behovet for posterings- eller jaktbu for jerv vurdert. Søknad om posterings- og jaktbu i Steindalen må vurderast på nytt etter den generelle dispensasjonsregelen i naturmangfaldlova § 48, første ledd, første alternativ, som unntak frå vernereglane.

Ut i frå ei samla vurdering må saka behandlast på nytt, da formålet med tiltaket gjeld posterings- og jaktbu for jerv, som krev vurdering etter NML § 48.

Søknad om posterings- og jaktbu:

Tiltaket gjeld plassering av ei laftekasse på 1,7 x 1,3 m, med takhøyde 1,6 m, utforma som eit enkelt skjul med kikkertopning på eine langveggen. Byggverket skal fungere som posterings- og jaktbu i samband med lisensfelling av jerv. jf. skisse/foto under. Kassa skal plasserast 2 km innafor vernegrensa til Trollstigen lvo i og ca 500 meter frå grensa til Reinheimen nasjonalpark, som markert på kartet under.





Skisse med mål, og foto av posteringsbua

Heimelsgrunnlag

Delegering

Nasjonalparkstyret for Reinheimen har delegert forvaltningsmyndigheit for Reinheimen nasjonalpark og tilhøyrande landskapsvernområde og naturreservat i medhald av naturmangfaldlova § 62 og nasjonalparkstyret sine vedtekter, sist revidert 01.03.2020.

Verneformål – forskrift

§ 2 Formål:

«Formålet med opprettinga av Trollstigen landskapsvernområde er å:

- ta vare på eit særprega og vakkert natur- og kulturlandskap, der seterhus, setervollar og kulturminne etter fangst og beitebruk utgjør ein vesentleg del av landskapet sin eigenart
- ta vare på eit samanhengande område varierende frå høgjellet med leveområda til villreinen i Ottadalen nord til skogområda øvst i Isterdalen og Meiadalen
- ta vare på geologiske førekomstar og landskapsformer

Ålmenta skal ha tilgang til naturoppleving gjennom utøving av tradisjonelt og enkelt friluftsliv med liten grad av teknisk tilrettelegging.»

Etter verneforskriften § 3, pkt. 1.1 er området verna mot inngrep som vesentleg kan endre eller verke inn på landskapet sin art eller karakter.

«Med dei unntaka som følgjer av forskrifta punkt 1.2. og 1.3. er det forbod mot inngrep som oppføring, påbygging og ombygging av bygningar eller anlegg og andre faste eller midlertidige innretningar, vegbygging, vassdragsregulering, oppdemmingar, inngjerding av utmarksareal, oppdyrking og beitekulturivering, treslagsskifte, drenering og annan form for tørrlegging, uttak, oppfylling, planering og lagring av masse, framføring av luftleidningar, bergverksdrift og annan form for grave-, sprengings- eller borearbeid, sprøyting med kjemiske middel, plassering av campingvogner og bubilar, riving av seteranlegg, etablering



og merking av turstiar, forureining og forsøpling. Kulturminne skal vernast mot skade og øydelegging. Opplistinga er ikkje uttømmende.»

Forvaltningsplan

I forvaltningsplan er det ikkje teke høgde for at det kan være behov for bygvverk som posterings- jaktbuer i samband med utøving av jakt. Utøving av jakt og fiske er direkte heimla i verneforskrifta og kan utøvast etter gjeldande reglar i lakse- og innlandsfiskelova og naturmangfaldlova. Behovet for bygningar i landbruks- og beitebruksæring er i forvaltningsplan knytt til jordbruks- og seterformål, og felles tilsynsbuer for overnatting. Verneforskrifta for Trollstigen landskapsvernområde har ikkje retningslinjer som opnar for oppføring av posterings- og jaktbu, og søknaden må vurderast etter den generelle dispensasjonsregelen i naturmangfoldlova § 48 første ledd, første alternativ.

Naturmangfaldlova

Naturmangfaldlova § 48 sett strenge krav til når ein dispensasjon eventuelt kan vurderast, og opnar for dispensasjon for tiltak som *«ikke strider mot verneformålet og ikke påvirker verneverdiene nevneverdig»*. Begge vilkår må vera oppfylt. Dispensasjon *må* heller ikkje gjevast sjølv om vilkåra er oppfylt. Skjønn og instruksar frå overordna myndigheiter spiller også inn. Dispensasjonsheimelen i naturmangfaldlova § 48 kan ikkje nyttas for å utvide ramma gjeve i vernevedtaket, men skal være ein sikkerheitsventil som skal fange opp heilt spesielle tilfelle som ikkje ble vurdert på vernetidspunktet.

I tillegg til behandling etter verneforskrift og eventuelle retningslinjer i forvaltningsplan og naturmangfaldlova § 48 må søknaden også vurderast etter naturmangfaldlova, herunder dei miljørettslege prinsipp i §§ 8-12 (kunnskapsgrunnlag, føre-var prinsippet, samlet belastning på økosystemet, kostnader ved miljøforringelse bæres av tiltakshaver samt miljøforsvarlige teknikker og driftsmetoder), jf. § 7.

Presedens

I enkeltsaker som gjeld tiltak, som i denne saka, skal ein vurdere verknaden av presedens ved at andre kan få dispensasjon til liknande tiltak. Dette følgjer ikkje minst krav til likebehandling. Presedensvurdering bør vera så konkret som mogleg, jf. Retningslinjer for vurdering av presedens i byggesaker etter naturmangfaldlova § 48, gjeve av KLD, ved brev frå Miljødirektoratet 02.03.2015.

Vurdering

Verneverdiane i Trollstigen lvo er knytt til eit særprega og vakkert natur- og kulturlandskap der seterhus, setervollar og kulturminne etter fangst og beitebruk utgjer ein vesentleg del av landskapet sin eigenart. Utmarksbeiting er ein viktig faktor for å oppretthalde naturverdiane i verneområdet, der eit variert biologisk mangfald er ein vesentleg del av formålet.



Foto: Steindalsstølen

Det er lagt til grunn i verneplan at landbruksnæring knytt til utmarksbeite skal kunne halde fram som før. I verneforskrifta er det teke høgde for at det kan søkast nasjonalparkstyret om løyve til oppføring av nødvendige bygningar i regi av beitelag til beitebruk og tilsyn. Valldal og Fjørå beitelag skriv at det er avgjerande for beitenæringa med ei posterings- og jaktbu i Steindalen for lisensjakt og skadefelling på jerv. Dette var ikkje eit behov som er spsfisert ved utarbeiding av vernereglane, til trass for at det også på vernetidspunktet var store utfordringar med rovdyr for beitenæringa i verneområda.

Det blir slept ca 500 sau på utmarksbeite i Steindalen/Grøndalen. Steindalen er ein inngang til Reinheimen nasjonalpark der det er DNT-merka sti til Tjønnebu og vidare mot Vakkerstølen. Foto over viser seterbygningane på Steindalsstølen som ligg rett innafor vernegrensa i oppstigninga til Steindalen. Omsøkt posterings-og jaktbu for jerv ligg om lag 2 km frå Steindalsstølen.



Foto: Steindalen mot aust

Utøving av jakt og fiske er direkte heimla i verneforskrifta, jf. § 3, pkt 3.2, a, b., og kan utøvast etter reglane i lakse- og innlandsfiskelova og naturmangfaldlova.



Forvaltningsstyresmakta skal samrå seg med viltstyresmaktene i forvaltningsspørsmål som kan vere viktig for viltet. Forvaltar har vore i kontakt med Statsforvaltaren i Møre og Romsdal når det gjeld skadesituasjon i området, og behov for posterings- og jaktbu i samband med skadefellingsløyve på jerv.

Det er informasjon frå Statsforvaltar at det er jervebås på Grønningsæter lenger ut i dalen, og at det blir lagt ut åte på Øvstestølen i samband med evt. lisensjakt på jerv i område.

Forvaltar har 22.11.21 fått følgjande uttale frå Statsforvaltar i Møre og Romsdal om lisensfelling på jerv i forvaltningsområdet, og om behovet for posteringsbu i samband med jervjakt.

«Det er i lisensfelling på jerv i forvaltningsområdet i år. Opprinnelig var kvota 2 dyr innafor forvaltningsområdet og 5 dyr utafor forvaltningsområdet for 2021. Det er igjen 1 dyr på kvota i forvaltningsområdet etter at det i august blei felt jerv på skadefelling i Steindalen. Felling skjedde frå den aktuelle bua. Det er årleg tap til jerv i desse jerveområda og dei seinare åra har det vore dels store tap. Det er likevel ikkje slik at vi kan rekne med at det vert kvote for lisensfelling i forvaltningsområdet kvart år. Bua står nok på rett plass i forhold til skadefelling i sommarhalvåret, vi er meir usikre på kva betydning den vil kunne ha for eventuell lisensfelling. I sommarhalvåret har vi og tru på at eit robust telt kan gjera same nytta og med det fortrinn at det kan flyttast dit det er behov.»

Dersom ein gir dispensasjon skal ein vurdere presedensverknaden, ved ei konkret vurdering av kor mange andre søknader ein kan forvente i verneområda knytt til Reinheimen, jf. naturmangfaldlova § 10 (økosystemtilnærming og samla belastning). I Reinheimen nasjonalpark og tilknytte landskapsvernområde er det totalt 14 beitelag, og i 2018 var det sleppt over 20 000 sau/lam. Av omsyn til likebehandling, vil verknaden av presedens ved at mange andre kan få dispensasjon til liknande tiltak i verneområda vera til stade, dersom ein gir dispensasjon.

På ei anna side er det god oversikt over jervebåsar og åte- og posteringsbuer i og utanfor verneområdet. Det er også signalisert ovanfor jaktlag at posterings- og åtebu og jervebåsar generelt skal plassert lett tilgjengeleg vinterstid, for å effektivisere lisensjakta, og minimalisere behov for motorisert transport i verneområde.

Ut i frå ei vurdering av den samla belastninga dette tiltaket kan føre til, vil nasjonalparkforvaltar tilrå at søknaden om plassering av posterings- jaktbu i Steindalen i Trollstigen Ivo blir avslått. Eit avslag er grunngeve med at dispensasjon vil kunne skape unødig presedens ved mange liknande søknader frå beitelag og jaktlag, noko som vil uthole vernereglane for området, jf. nml § 10 (samla belastning). Tiltaket vil og kunne føre til auka behov for motorisert ferdsel i området. Det er også eit godt alternativ å bruke telt, da det i sommarhalvåret vil gjera same nytta under skadefelling, og i tillegg være ein meir fleksibel løysning ved lisensfelling, da teltet kan flyttast dit det er behov.